

第三四七册

明倫彙編

氏族典

吳姓部

胡姓部

盧姓部

烏都姓部

區瞿姓部

于姓部

俞姓部

(卷)

八

三

六

九

七

六

三

三

古今圖書集成

中華書局影印

圖書集成

目錄

卷一

古今圖書集成

中華書局影印

欽定古今圖書集成明倫彙編氏族典

第八十一卷目錄

吳姓部列傳五

明二

吳璋

吳潛

吳一鵬

吳允禎

吳一貫

吳惠

吳大山

吳崑

吳間

吳動

吳雲

吳鼎

吳道南

吳傑

吳世澤

吳鵬

吳孟祺

吳德范

吳悌

吳從義

吳嘉會

吳桂芳

吳世忠

吳玘

吳景

吳華

吳福

吳聯

吳天倬

吳巖

吳欽

吳瀚

吳仲

吳求揚

吳璟

吳昂

吳一魁

吳尚禮

吳麟

吳偉

吳子孝

吳嶽

吳山

吳必學

吳情



吳祖

吳時來

吳國倫

吳懋宣

吳守

吳章

吳切

吳允

吳教傳

吳從憲

吳孟

吳善

吳文佳

吳璋

吳一介

吳自守

吳肇東

吳中立

吳百朋

吳邦楨

吳松

吳允

吳宗周

吳文祿

吳文華

吳執禮

吳琴

吳一本

吳惠

吳從周

吳惟嶽

吳自峒

吳翰嗣

吳楚材

吳自新

吳中行

氏族典第八十一卷

吳姓部列傳五

明二

吳章

按雲南通志璋字廷獻保山人中弘治己酉鄉試遇浙問學於王守仁居三年所養益粹授長壽教諭倡明理學教人以致知力行學者宗之稱執齋先生

吳世忠

按明外史吳世忠傳世忠字懋貞金谿人弘治三年

進士授兵科給事中再遷吏科左給事中擢湖廣參議坐事降山東食事旋召爲光祿少卿改尚寶卿正德六年劉瑾敗言官劾世忠嘗請清核屯田助瑾爲虐世忠故方輒朝議寬之得免再遷大理少卿八年擢右僉都御史巡撫延綏寇在河套逐之失利乃引疾歸

吳潛

按江西通志潛字顯之臨川人弘治庚戌進士歷陞雲南副使權璫姚體忠奉勅徵餉司府以屬禮謁之潛不屈遂拂衣歸世稱兩川先生

吳玘

按龍溪縣志玘字子璵弘治庚戌進士初授撫州府推官有折獄才及爲御史直言敢諫有古諍臣風巡按山東疾作卒于官

吳一鵬

按明外史汪俊傳吳一鵬字南夫長洲人弘治六年進士選庶吉士授編修正德初進侍講充經筵講官劉瑾出諸翰林爲部曹一鵬得南京刑部員外郎遷禮部郎中瑾誅復爲侍講進侍講學士歷國子祭酒太常卿並在南京母喪除起故官世宗踐阼召拜禮部右侍郎尋轉左數與尚書毛澄汪俊力爭大禮俊去一鵬署部事入閣專典諸勅兼掌詹事府事武宗實錄成進尚書尋以省墓歸還朝仍典誥勅未幾出理部事典內閣誥勅者皆需次柄政而張璁桂萼新用事素銜一鵬異已乃用爲南京吏部尚書加太子少保居二年乞致仕卒贈太子太保諡文端

吳景

按明外史吳景傳景南陵人弘治九年進士正德中歷官四川僉事守江津重慶人曹弼亡命播州糾眾寇川南謀與大盜藍廷瑞合六年正月逼江津景禦之矢被面急收兵入保城已陷大呼曰寧殺我毋殺士民賊強之跪不屈遂被殺巡撫上其事詔贈副使世蔭宣州衛百戶

吳允禎

按廣東通志允禎字天祐連之子登弘治壬戌進士第歷戶部郎中出知永州府愷悌寬仁蒞官清儉興學造士不科擾于民民有弗率者委曲訓諭不事刑罰有長者風歷廣西參議

吳章

按江西通志華字德輝東鄉人弘治乙丑進士由崇明令擢御史兩疏乞建儲予廷杖巡按浙江風裁凜然為權貴所中出知襄陽府罷歸寔濠謀逆招誘東鄉降寇華畫計斬賊首數人城遂全

吳一貫

按明外史王獻臣傳弘治十七年以張天祥劫營事帝命大理丞吳一貫勘之盡得其實論死天祥斃於獄天祥叔父洪屢訟冤帝密令東廠廉其事還奏所勘皆誣帝信之欲盡反前獄逮訊闕下帝欲抵一貫死閔珪戴珊力救乃謫嵩明州同知一貫字道夫海陽人成化中進士由上高知縣擢御史弘治中歷按浙江福建南畿以疆幹聞擢大理寺右丞畿輔河南饑請發粟以賑既謫官正德初遷江西副使討華林賊有功進按察使行軍至奉新卒

吳福

按萬姓統譜福鄞縣人弘治進士任給事中使琉球海風蕩焉傾摧在俄頃眾恐懼福詭辭慰止之云當必無患第謹備之使回陞尚寶少卿出按察豫章復入守禮曹修諸經疏義出參政陞歷三考陞布政闔既得謝居吳中子憲先憲以孝著且以所居讓諸弟比之薛包

吳惠

按萬姓統譜惠字孟仁吳縣人弘治進士授行人使占城陞桂林知府時洞蠻亂朝議進兵討之惠單車抵巢撫諭蠻會遂服在郡十年陞廣東參政性慷慨疎財篤義居官三十年田廬不改其舊子鴻翰風流俊逸詩文清麗尤精小楷

吳驥

按萬姓統譜驥字文英少敏惠博學洽聞才名藉甚工為古文辭師相李西涯東陽時稱文章宗匠見驥所為駘賓王廟碑嘆賞不能休其志乘傳記諸所著作皆得體裁文多可傳世者

吳大田

按莆田縣志大田字紹曾弘治甲子鄉薦正德戊辰授扶溝教諭尋遷興府伴讀時世宗方在幼冲朝夕啓沃與獻王深加寵眷辛巳上入嗣大統扈駕督潛邸軍校不擾有司既抵京防太常寺丞晉少卿遇郊壇恪恭厥職尋充國史官與修典獻實錄奉旨典顯陵禮轉光祿卿丁內艱服闋補原官遷工部左右侍郎凡督理九廟慈寧宮奉先殿及大石窩工程裁冗費惜民力以勤慎見稱

吳天倅

按荊州府志天倅字子膺宜都人正德戊辰進士歷官台州知府屢斷疑獄士民稱之

吳山

按明外史吳洪傳洪子山字靜之初除刑部主事歷郎中諫武宗南巡罰跪予杖尋擢山東副使嘉靖十年屢遷右副都御史巡撫河南劾輔國將軍佑棖為所訐貶浙江參議三遷右僉都御史巡撫四川歷刑部左右侍郎進尚書時嚴嵩劾諸法司及刑科而言山罪九重乃除山名以暴疾卒于道穆宗立復官贈太子少保

吳巖

按吳江縣志巖山弟也字瞻之初授行人遷工科給事中正德九年乾清官災詔求直言巖條上視朝講學建儲及斥養子番僧罷邊兵中市言俱切至久之遷四川參政奉表入賀道卒

吳崑

按明外史吳洪傳洪子崑終官嚴州知府

吳欽

按浙江通志欽字敬夫淳安人正德戊辰進士授丹徒令陞刑部主事審錄江南多所平反歷員外陞湖廣荆南兵備適監利石首二縣盜發欽設奇捕獲賊首楊洪餘黨解散撫按交章薦之

吳閻

按武進縣志閻字朝言正德辛未進士授行人司行人選河南道御史巡直隸鹽事兼巡河道還陳八事皆急務在臺務持大體諤諤無所忌諱武宗北巡伏闕極諫南郊屆期馳奏請回鑾親郊祀天地宸濠謀

逆詔親征率同列力諫又疏論江彬錢寧谷大用諸奸罪狀世宗立復疏請攬朝綱究奸邪抑奔競防壘惑等語忌者中以考功法罷歸尋卒

吳瀚

按河南通志瀚河南衛人正德辛未進士累官都御史巡撫保定時中貴人廖鵬擅威福流毒豫秦事敗獄久不定瀚抗論正典刑卒於官于三樂嘉靖辛丑進士翰林院庶吉士川湖南省提學累官通政以文名

吳勳

按辰州府志勳武進人爲指揮同知正德七年二月從都指揮湯輔截殺流賊至德安府領兵赴應山縣葛基山遇賊蜂擁不支陣亡奉旨賜諭祭一壇男山加一級襲指揮使

吳仲

按武進縣志仲字亞夫正德丁丑進士知江山縣嘉靖初擢監察御史時武定侯郭勛方怙寵作奸仲劾之直聲震臺省擢湖廣參政歷南太僕少卿卒

吳雲

按江西通志雲高安人爲府掾正德己卯從事別駕胡署府事會宸濠謀逆雲從胡於石鼓潭擒之濠敗撫臺王文成紀績奏聞奉旨赴京聽選雲以母老乞終養

吳永揚

按安化縣志永揚常安人正德辛巳率鄉兵禦賊破傷猶忍痛追擊獲賊首同至株梅而卒

吳鼎

按浙江通志鼎字維新錢塘人進士授臨淮令以辨治稱屬武宗南巡有權貴人鼓焰先驅非分需索鼎愛民遂觸其怒庭見憤詰吏民爭前衛鼎擊傷權貴事聞逮詔獄嘉靖初始釋復原職以外艱去後以薦陞兵部員外再遷廣西布政司參議俱不起

吳璟

按延平府志璟字良器將樂人勝之孫由生員薦辟正德間任龍江局副使博學多才持躬嚴介時劉璫方熾赴考者無不奔謁璟恥之乞歸詩文自娛以孝弟力田教其鄉鄰卒年八十餘

吳道南

按江西通志道南字宗甫貴溪人正德舉人歷官兵部郎中會世宗幸承天道南爲導嚴駭騎從所過吏民安堵擢山東副使戢海盜築海堤勸恤民隱以勞疾卒

吳昂

按萬姓統譜昂字德翼海鹽人舉進士知宣城清約廉靖調新建會軍庶人橫虐民民結寨丁家山以拒寧謂爲反宜兵之昂曰百姓爲王乃爾非反也入山諭其黨皆叩首散去縣大飢公無儲粟昂賑活萬餘人累陞福建按察僉事有告妻殺夫者昂疑其獄禱于神夢一小兒據其腹昂曰殺此夫者必杜福也蹤跡之果杜福妻得不死閩人呼爲神明昂性和易所至皆著善政及歸如未仕儲書滿架所著有周禮音釋等稿藏于家

吳傑

按名山藏方技記傑字士奇武進人其祖父爲世醫

明倫彙編氏族典第八十一卷吳姓部

至傑更博通青烏書風角雲氣占經李虛中子平之術金丹內外祕訣然竟以醫至大官傑醫分三類上部診脈主方心臟爲先中部望而知之先視氣色下部藥始上清以及咽喉不純主古方書雖有奇疾治無不效弘治間以明醫徵至京師正德中掌院事李宗周薦入御藥房有與宗周同官爭權者左右護上謂宗周所薦多私與賄皆族醫也上曰吾試之方病喉痹按名召傑一藥而愈上嘆曰有醫若此謂族醫邪因厚賜傑詰責左右謂宗周忠自是得幸上上每病屬傑治治輒立效一愈上病則上進傑一官爲院判當進官者數矣固讓三年而還院使上欲以禁衛衛傑賜蟒衣傑謝曰臣幸以藥囊侍陛下敢乎哉上南巡傑以醫諫繼之泣上怒叱曰汝不謂以藥囊侍我者耶自是不得從行上還道病次臨清州夢見傑疾名之馳入見上泣曰不憶我耶傑亦泣遂從還通州時江彬力請上復幸宣府意上病或有不諱恐誅易爲變傑診已密言諸大奄曰察上脉幸可及還內耳至宣府脫不諱吾與若輩死有葬地乎奄然之乘間曲說上意動而彬數從傑謁問上病狀即詭言曰萬壽無疆霍然起矣駕還京上崩彬坐誅傑有子希孟仕給事中

吳一魁

按安陸縣志一魁年十二父道東以太學生被誣將及於辟一魁聞之孑身徒跣入都會世宗宗即位郊祀伏道左上怪問之泣陳父冤狀言訖請就斧鉞贖父罪上大悅命入太學立釋道東仍賜幣馳驛以歸

吳世澤

按福州府志世澤字宗仁連江人嘉靖癸未進士由
郎署出守嚴州時遂安礦徒猖獗親搗其巢擒之衛
嫠大水預爲之備民賴以安擢廣西副使

吳尚禮

按江西通志尚禮星子人嘉靖二年由監生除授廣
東歸善主簿三年蠻賊入境尚禮奮不顧身督兵勤
賊遂爲所害

吳鵬

按明外史吳鵬傳鵬字萬里秀水人嘉靖二年進士
除工部主事累官江西左布政使擢右副都御史巡
撫其地入爲工部右侍郎累遷工部尚書三十五年
吏部尚書李默得罪命以鵬代鵬初官兩司頗清謹
遷巡撫浸不逮至是見嚴嵩父子勢盛遂傾身附阿
居部六年加太子太保爲吏科梁夢龍等所劾乃令
致仕

吳麟

按萬姓統譜麟字允祥孝豐人嘉靖丙戌進士公性
英敏篤於孝友初授刑部主事以才望爲胡敏公禮
重之尋改河南道監察御史按治廣東執法勁峻風
裁整肅時罕有蒼頭橫於部下公竟收治之遂爲所
擠謫判泰州遷廬陵令歷山東按察副使告歸侍養
所著有蒼源存稿藏於家

吳孟祺

按寧陽縣志孟祺字元壽嘉靖戊子以書經中鄉試
第三連登唐順之榜進士授五河知縣調繁洛陽擢
刑部主事時外戚張延齡繫獄舉朝憐其冤無一敢
爲伸白者公毅然平反因忤上意廷杖四十謫直隸

祁州同知轉本州知州歷南京戶部員外郎中西安
府知府潼關兵備副使

吳偉

按寧陽縣志偉字朝英博學工詩巴陵訓導遷館陶
王教授極言祖宗裕後之恩藩服守典之道王嘉納
之

吳德范

按同安縣志德范初名潛嘉靖戊子舉人父蘊卽世
忽有污水出柩外德范慟哭以舌舐之謁選得浙之
西安素飢餓竟以不折腰於臬臺得調云

吳子孝

按長洲縣志子孝字純叔文端公一鵬子登嘉靖己
丑進士選庶常出爲部曹官湖廣參議歷官中外直
道自信言事必究極是非不能剝曲下人所著有玉
涵堂集

吳悌

按明外史吳悌傳悌字思誠金谿人嘉靖十一年進
士除樂安知縣調繁宣城徵授御史十六年應天府
進試錄考官評語失書名諸生答策多譏時帝怒
逮考官停舉子會試悌爲舉子求寬坐下詔獄尋得
釋出視兩淮鹽政引疾歸還朝按河南伊王禪之嚴
嵩擅政悌惡之引疾家居垂二十年嵩敗起故官累
遷至南京大理卿隆慶元年就遷刑部侍郎明年卒
萬曆中贈禮部尚書諡文莊學者稱疎山先生

吳猷

按明外史吳猷傳猷字汝喬汶上人嘉靖十一年進
士授戶部主事歷郎中督餉宣府出知廬州府以憂

去服除改保定歷山西副使浙江參政湖廣按察山
西右布政使並以清靜得民遷右僉都御史巡撫保
定六府引疾去久之以貴州巡撫徵尋進左副都御
史協理院事隆慶元年歷吏部左右侍郎遷南京禮
部尚書就改吏部抑浮薄杜僥倖尋改兵部參贊機
務未上給由過家病卒詔贈太子太保諡介肅獄清
望冠一時祀躬嚴整尚書馬察言平生見廉節十二
人猷與譚太初耳

吳從義

按福清縣志從義字思忠文典里石塘人嘉靖乙未
進士授行人轉吏科給事中工科右刑科左晉都給
事中從義在諫垣疏請慎選劾罷大璫出爲江西參
政調四川豐城鄆茂卿按蜀修郟鄏之歸

吳山

按明外史吳山傳山字曰靜高安人嘉靖十四年進
士及第授編修累官禮部左侍郎入西苑供奉青詞
三十五年改吏部尋爲禮部尚書明年加太子太保
山與嚴嵩鄉里嵩子世蕃欲與爲婚姻山不可世蕃
不悅而罷帝欲用山內閣嵩密阻之裕景二郎並建
國本未定三十九年冬帝忽論禮部具景王之藩儀
嵩知帝激於郭希顏疏欲覘人心諷山留王山立具
儀以奏王竟之藩明年二月朔日當食微陰曆官言
日食不見卽同不食帝喜嵩趨部急上賀山仰首曰
日方虧將誰欺耶仍挾護如常儀帝大怒吏科梁夢
龍等劾之冠帶間住穆宗卽位召爲南京禮部尚書
辭不赴卒贈少保諡文端

吳嘉會

按獻徵錄嘉會嘉靖乙未進士授行人陞刑部主事辨壩上盜有聲郎署間陞山東食事賑饑築堤詔賜金帛轉本省參議單縣妖人楊惠倡亂僭署將校流毒四省官兵攻之不下嘉會單騎入壘宣言曰棄仗走者良民也不且擊戮衆皆散獨渠魁數十人縛而磔諸市東土肖像祀之遷陝西參政未行拜都察院右僉都御史整飭薊鎮邊務嘉會在鎮日夜戢戰守具起居庸盡山海關砌修石垣四萬丈燒敵臺烽墩二千六百座有奇分其地爲十區嚴設衆遊兩將軍分統健卒合之凡八萬人怒馬堅甲長戟利劒軍容煥然一新於是薊鎮稱虎豹九關天下險云鎮薊七年匹馬不得入塞于甲令爲上捷肅宗褒賚甚優晉貳本兵爲相黨所忌中譏罷歸三十年卒穆宗遣官諭祭營北城如卿臣禮所著有詩奏議雜撰若干卷

吳必學

按延平府志必學字以思南平人嘉靖丁酉舉鄉試知亳州丁內艱服闋補海州改象州遷九江同知復補臨江所至清介有聲

吳桂芳

按明外史吳桂芳傳桂芳字子實新建人嘉靖二十三年進士授刑部主事聞繼母病請歸起補禮部歷遷揚州知府禦倭有功歷浙江左布政使進右僉都御史巡撫福建父喪歸起故官撫治郎陽尋進右副都御史總理河道未任兩廣總督張臬罷改桂芳兵部右侍郎兼右僉都御史提督兩廣軍務兼理巡撫名爲南京兵部右侍郎尋改北隆慶初轉左以疾乞歸言官數論薦萬曆三年卽家起故官總督漕運兼

巡撫鳳陽五年兼理河漕六年詔進工部尚書兼右副都御史未踰月卒尋以高郵湖堤成贈太子少保

吳情

按無錫縣志情字以中嘉靖二十三年進士第三授翰林院編修歷侍讀右春坊右諭德典應天鄉試被劾左遷歸晚自號曰靜端居士

吳祖

按蓬萊縣志祖嘉靖甲辰進士授河間推官多所平反擢御史執法不避權貴巡屯山西薦賢斥墨風紀肅然軍屯一清以母老掛冠終養孝友兼著前後十三徵不起朝野重之

吳百朋

按明外史吳百朋傳百朋字惟錫義烏人嘉靖二十六年進士授永豐知縣徵拜御史歷按淮揚湖廣擢大理寺丞進右少卿四十二年進右僉都御史撫治郎陽改提督軍務巡撫南贛汀漳四十四年進右副都御史隆慶初吏部以百朋積苦兵間稍遷大理卿給事中歐陽一敬等請留百朋勦賊詔進兵部右侍郎兼右僉都御史巡撫如故尋擢南京兵部右侍郎乞終養不許改刑部右侍郎父喪歸起改兵部萬曆初命閱視宣大山西三鎮陞貴州巡撫有差又進邊圖凡關塞險隘番族部落土馬強弱亭障遠近歷歷如指掌以省母歸起南京右都御史召拜刑部尚書踰年卒

吳時來

按明外史吳時來傳時來字惟修仙居人嘉靖三十二年進士授松江推官擢刑科給事中劾罷許論楊

順路楷皆嚴嵩私人嵩疾之甚會將遣使琉球遂以命時來三十七年三月時來抗章劾嵩嵩奏時來憚琉球之行借端自脫帝入其言遂下詔獄成橫州隆慶初召復故官進工科給事中尋擢順天府丞二年拜右僉都御史提督操江巡撫廣東將行爲所屬有司五十九人給事中光懋等劾其濫貶雲南副使復爲給事中韓楫所劾落職間住萬曆十二年起湖廣副使俄擢左通政改歷吏部左侍郎十五年拜左都御史時來初以直言竄聲振朝端再遭挫折沈淪十餘年晚節不能自堅委蛇執政間持祿保位而已連爲饒伸薛敷教王麟趾史孟麟趙南星王繼光所劾時來亦連章乞休歸未出都卒贈太子少保諡忠恪尋爲禮部郎中于孔兼所論奪諡

吳邦楨

按明外史吳洪傳洪子山山子邦楨嘉靖三十二年進士終陝西行太僕卿以清謹稱

吳國倫

按明外史李攀龍傳吳國倫字明卿興國人由中書舍人擢兵科給事中楊繼盛死倡衆購送伴嚴嵩假他事謫江西按察司知事量移南康推官調歸德居二載棄去嵩敗起建寧同知累遷河南左參政大計罷歸國倫才氣橫放好客輕財歸田後聲名籍甚

吳崧

按雲南通志崧永昌郡人嘉靖庚戌進士授刑部主事轉員外知福州憲寇有功陞四川副使陳情終養創義倉置學田賑饑恤貧鄉人德之

吳懋宣

按杭州府志慈宣杭州衛指揮萬都督表女夫也嘉靖癸丑倭亂海上表居家聞變散家財募死士先選少林僧兵二百命慈宣將之以往大破之慈宣乘勝逐寇倭僞遁為所扼重創而卒

吳允

按江陰縣志允青陽團長魁岸有膂力嘉靖乙卯倭再犯江陰允從錢鏐禦倭每陣摧鋒復令禦倭石撞策馬統鄉兵百人往至鄭莊港突遇倭鄉兵驚散允獨與鬪失刃將泗水去水急不可過登岸復戰失足墮水被數刀佯死倭乃去昇還一日卒萬曆改元特祠歲祀於里

吳守

按荊州府志守字約卿宜都人嘉靖丙辰進士授中書科舍人教清馬政奏議允當以經濟稱補太平府丁外艱歸遂不起詩學名時誦之者謂似唐音

吳宗周

按安慶府志宗周字文甫懷寧人嘉靖丙辰進士授黃州府司理執法平允後補漢陽值景王初之國下令稅民田宗周獨持不與事遂寢以疾致仕朝廷嘉其能復起為戶部主事拜命而卒

吳章

按無錫縣志嘉靖丙辰夏倭至焚掠章應募禦賊力戰死之

吳文祿

按無錫縣志嘉靖丙辰夏倭至焚掠文祿與衆禦賊而死

吳切

按無錫縣志嘉靖丙辰夏倭奴焚掠切同鄉勇迎賊與戰死之

吳文華

按福州府志文華字子彬連江人嘉靖丙辰進士以母老便迎養乞南得兵部出湖廣督學僉事轉四川參議廣西督學副使歷河南左布政使上旌治行異等以副都御史巡撫廣西勦六平搖寨殲昭平賊擢戶部左侍郎念母老乞終養服闋再起兵部侍郎復撫廣西擢右都御史總督兩廣拜南京工部尚書尋改兵部參贊機務有言官劾中璫恣暴上怒言官文華論救請治璫罪不報遂引疾乞休再起南京工部尚書懇辭詔以原官致仕卒賜祭葬贈太子少保諡襄惠

吳兌

按明外史吳兌傳兌字君澤紹興山陰人嘉靖三十八年進士授兵部主事隆慶三年由郎中遷湖廣參議調河南還劄州兵備副使五年擢右僉都御史巡撫宣府兌舉鄉試出高拱門拱以內閣兼吏部遂超擢之時俺荅初封貢而昆都力辛愛陰持兩端助其主上蠻為患兌有智計操縱馴伏之萬曆二年推款貢功加兌右副都御史貢市畢加兵部右侍郎兼右僉都御史五年代方逢時總督宣大山西軍務七年以左侍郎召還部尋加右都御史仍佐部事九年復以本官總督薊遼保定軍務兼巡撫順天進兵部尚書仍兼右都御史尋進太子少保召拜兵部尚書御史魏允貞劾兌歷附高拱張居正王繼光亦言兌受將吏饋遺兌乃去後數年卒

吳執禮

按陝西通志執禮字汝立蘭州人嘉靖己未進士初授保寧推官發奸擿伏辨枉伸抑有神明之號遷刑部主事改兵部吏部歷太常卿巡撫應天悉意諮詢江陵相以私憾忿余懋學江文輝因絲絹事移書執禮入疏內執禮勘疏內明言無其人旋定計擒首惡以聞遂與江陵相左閱三年陞戶部侍郎督倉場以江陵嫉己抗疏乞歸江陵歿復起戶左辭不獲入都首爭金花之歲增又因積貯之缺內虞用謝外惕餉虛夜不成寐者月餘夙疾發卒太倉公署

吳教傳

按朝城縣志教傳嘉靖己未進士初任行人司行人屢上馳封之疏繼任禮部主事克襄建儲之典及遷浙江杭嚴僉憲擒妖僧抑豪貴官民畏服不敢干以私補雲南憲司謝政歸

吳琴

按六安縣志嘉靖辛酉流賊入境屠毒琴與鄉兵禦之戰於官亭賊伏圍合偕其黨俱死

吳從憲

按泉州府志從憲字維時晉江人嘉靖壬戌進士授行人擢監察御史巡鹽浙江後復巡按值浙西風潮之災奏為蠲免存畱田租浙人德之遷江西按察副使卒於家

吳一本

按沔陽州志一本字仲立少聰穎年十九舉於鄉嘉靖壬戌進士除吳江知縣綽有餘裕毫髮無取仕終山西參議兵備天津

吳孟

按松溪縣志嘉靖壬戌倭寇圍縣孟奮力禦倭被銃傷死

吳惠

按松溪縣志嘉靖壬戌倭寇犯境惠力敵倭寇銃傷而死

吳善

按廣西通志善字元夫福建龍溪人登嘉靖壬戌進士性沉靜有斷御下不為操切而巨奸劇寇莫能測初為秋官郎獄東粵多所平反隆慶間古田賊平善以憲臣來撫之厥後柳慶北三北五之地煽亂三院亟檄善署柳慶事北人自是不復為患而嶺表一清仕終侍郎為時名宦

吳從周

按山西通志從周安邑人嘉靖甲子舉人歷延安府同知砥礪名節急流勇退庭訓有方子養源丁未進士養淳養溫養洵養洽並舉人里人稱為五桂云

吳文佳

按景陵縣志文佳字士美嘉靖乙丑進士初授徽州府推官擢刑部四川司主事移戶部遷吏科給事中晉禮科右兵科左疏請定國是立紀綱彈劾不避權貴晉工科都給事中視昭陵工省費巨萬奉使治襄藩葬騶從供帳簡約不煩出為河南參藩擢貴州按察使福建右布政使歸

吳惟嶽

按浙江通志惟嶽字峻伯孝豐人進士歷官食都御史入王世貞八子之列

吳璋

按山西通志璋廣昌所百戶素以驍勇稱嘉靖年北兵大舉近廣昌璋與男逢春率眾百餘出城衝突敵營奮擊殺數十人已而兵大合璋被圍逢春馳騎救之併遇害

吳自峭

按安慶府志自峭號石蘭大叅檄之幼子桐城人嘉靖間進士初授行人以清望選翰林待詔充裕王講官正色開陳多所裨益穆廟即位以自峭青宮舊屬擢太常卿贊相郊祀執事有恪及江陵柄政無隻字相通轉南右通政旋以計典自陳議外補遂拂衣歸江陵敗士大夫交章薦之卒不起孫紹志蔭生仕至南寧太守

吳一介

按安慶府志一介字元石桐城人嘉靖間進士初授河南光州知州擢屯田員外郎工曹之役無不關中人者時一介滌洗裁省擢江西副憲備兵湖西會廣東峒賊于約等屠電詔舉邊材京兆尹畢鐸疏一介以聞遂移節監南越軍至則選將卒授方略擒于豹一時武功稱最進河南右布政使致仕卒一介至性孝友居恆惟圖書自娛桐無城一介倡議建之及流賊之亂桐賴以全

吳翰嗣

按應山縣志翰嗣字子修先世金谿人幼穎慧為東陽邑令清約樽節不阿權勢時倭為患翰嗣募勇禦之倭不犯境召拜柱史巡視京城權貴憚之按滇南風采凜然疏請歸

吳自守

按廣濟縣志自守字介夫嘉隆間王文成公學盛行自守深究其旨尤邃於易為學者所宗斬斷顧日昂特建菴延自守曰讀易菴自是學者稱為易菴先生家江上設講堂泉湖側以待四方來學者卒萬曆庚寅門人諡之曰聞道

吳楚材

按崇陽縣志楚材字國賢中隆慶丁卯科任會寧尹致政歸著書有美合編彊識略行世

吳肇東

按安慶府志肇東字敬堂懷寧人隆慶戊辰進士授戶部主事出權臨清鈔關以清慎聞轉廣西桂林守愛民如子擢福建按察司副使閩中兵民雜處肇東恩威並用民銜其恩而兵懼其威將晉浙撫會江陵奪情官於閩者皆弔唁肇東獨不往用是謫徙長沙遂拂衣歸

吳自新

按江寧縣志自新隆慶戊辰進士授工部都水司主事出董徐呂洪務補營繕司擢守杭州陞按察副使進布政司使遷太常寺卿以右副都御史巡撫河南召為南京刑部侍郎為官敦大靜深不侈威聲而剔蠹除奸不肯少貸以清正著

吳中立

按浦城縣志中立字公度隆慶辛未進士疏乞歸養父歿服闋絕意仕進結廬武夷山中以著述為事宗伯袁洪愈都諫周邦傑侍御楊四知家宰楊巍俱上其清修乞加榮寵授禮部儀制司主事以病乞歸

萬曆己丑卒於家至壬辰推陞尚寶司丞報至已逝矣所著有易詮古本學庸大旨道德經註元覺經註河上遺言奇鏡奇藏星抄諸書

吳中行

按明外史吳中行傳中行字子道武進人父性兄可行皆進士性尚竇丞可行修撰中行甫冠舉鄉試性誠無躁進遂不赴會試隆慶五年成進士選庶吉士授編修大學士張居正中行座主也萬曆五年居正遭父喪奪情視事御史曾士楚吏科都給事中陳三謨倡疏奏留舉朝和之中行獨憤上疏疏既上以副封白居正居正怒謀於馮保廷杖之直聲震天下中行受杖畢校尉以布曳出長安門昇以板扉即日驅出都城與疾南歸居正怒不已九年大計京官刻察籍錮不復叙居正死廷臣交薦中行召復故官進右中允直經筵大學士許國攻李植江東之詆中行爲其黨中行奏辯因乞罷不許再遷右諭德御史蔡系周劾植復侵中行中行求去詔賜白金文綺馳傳歸言者屢薦執政抑不召久之起侍講學士掌南京翰林院同里僉事徐常吉訟中行事已解給事中王嘉謨復摭舊事劾之命家居俟召尋卒後贈禮部右侍郎子亮元從子宗達亮官御史坐累貶官終大理少卿元江西參政宗達少師中極殿大學士亮尚志節與顧憲成諸人善而元深疾東林所輯吾徵錄詆毀不遺力兄弟異趣如此

欽定古今圖書集成明倫彙編氏族典

第八十二卷目錄

吳姓部列傳六

明三

吳顯

吳達可

吳挺

吳崇禮

吳應賓

吳從誠

吳仁度

吳道南

吳默

吳宗堯

吳梁

吳暉

吳文金

吳從衆

吳亮嗣

吳淳夫

吳廷雲

吳兆元

吳極

吳應鵬

吳炳

吳裕中

吳國佐

吳中傳

吳堯弼

吳之佳

吳鴻洙

吳鴻功

吳寶秀吳一元

吳炯

吳弘濟

吳用先

吳廣

吳允中

吳聞詩

吳元

吳宗達

吳嘉謨

吳之甲第之仁

吳可敷

吳姓

吳渙

吳子騏

吳阿衡

吳繼武

吳旂

吳三益

吳文梓

吳善謙

吳崇教

吳希稷

吳麟徵

吳振纓

吳南瀨

吳孔嘉

吳懷賢

吳之碑

吳甘來兄泰來

吳羽文

吳普昭

吳應箕

吳從義

吳用極

吳國琦

吳鍾乾

吳邦輔

吳奮通

吳洵源

吳國賓

吳夢暘

吳靜明

吳以敏

吳宿

吳叔度

吳應琦

吳一驥

吳孟明

吳天俊

吳執御

吳應元

吳岳

吳有涯

吳鍾繼

吳凱

吳奇勳

吳元伯

吳嘉禎

吳伯裔

吳光祚

吳統持

吳汝宗

吳成器

吳翥南

吳初蟠

吳福之

吳枋

吳遵周

吳德堅

吳愴

吳貞

吳得

吳昞

吳奇勳

吳道泰

吳覺

吳志廣

吳易

吳姓部藝文

跋吳氏族譜

太原吳氏宗譜序

吳氏家譜序

吳姓部選句

吳姓部紀事

吳世業

吳維城

吳文光

吳祚

吳一鵬

吳貞毓

吳世揚

宋文天祥

明汪道昆

徐標

氏族典第八十二卷

吳姓部列傳六

明三

吳顯

按漳浦縣志顯字景猷萬曆甲戌進士初知六安州甫五月時高郵黃應湖堤壞守郵者特疏請顯遂得更調江陵相命其子迎母入京道過高郵役驛夫以八百人顯力裁之遷刑部員外郎江西僉事廣東參議副使所至有聲以端介不諧俗竟左調乞疾歸

吳中傳

按朝城縣志中傳字異菴萬曆甲戌進士任西安府推官推戶部主事管理通州倉一切刁需之弊釐革殆盡甲申轉郎中督薊州兵儲羨金千兩悉報部已丑參楚藩政奉勅督理版策不踰年而竣壬辰充祝釐使人賀便道歸省明年轉陝西按察使按部辨明冤枉勸善廉污再調雲南廉憲振綱肅紀問民俗祛吏弊奸豪凜凜有神明之稱

吳達可

按明外史吳達可傳達可字安節宜興人尚書儼從孫也舉萬曆五年進士歷知會稽上高豐城並有聲選授御史視鹽長蘆歲祿力請賑貸改接江西還掌河南道事佐溫純大計京官擢太僕少卿再遷南京太僕卿召改光祿進通政使尋上疏乞休去卒贈右副都御史

吳堯弼

按雲南通志堯弼字宗舜鶴慶郡人萬曆丙子舉人丁丑進士選庶常散館改兵部郎主武選抑強植弱出爲僉憲督學貴州尋內艱服滿補四川僉憲備兵安綿撫馭有要著人誓不復反民賴以安卒於官

吳鉅

按貴州通志鉅都與人萬曆壬午舉鄉試第一益下帷自勵夜潛坐常至鷄鳴上春官不偶卒

吳之佳

按明外史李獻可傳獻可借六科諸臣疏請豫教帝怒出獻可以維職徙邊方刑科都給事中吳之佳上疏救帝益怒貶一秩出之外之佳萬曆八年進士長

洲人初爲襄陽知縣以治行徵天啓初贈太僕少卿孫廷亦兵科給事中敢言

吳崇禮

按寧陽縣志崇禮字彬卿別號節庵誕之夕封公夢仙人相訪遂誕崇禮萬曆丙戌舉進士筮仕蒲縣壬辰欽取西臺按兩淮鹽政庚子按淮揚乙巳巡關李晉江拜相臺省九列皆具保疏公獨毅然不可曰吾臺省聞有參駁不聞有保舉也未幾諸保者斥一時朝議闕然推服其識力丁未陞棘卿明允執法遂晉順天巡撫戊申丁繼母憂號泣出血乙丑起大司馬即促裝忽轉南京大司寇崇禮曰吾治兵未效復治刑乎誓必大宣主德廣布皇仁使囹圄空虛乃吾願耳積勞成痼卒於南京上嘉其清忠特賜寵卹贈太子太保賜諡定襄

吳鴻洙

按萊蕪縣志鴻洙字文衡號鳳城萬曆丙戌進士筮仕工曹歷郎署七年凡視大工者三省水衡錢以數十萬計辛卯出典蜀試號得人擢浙少參主督漕盡祛積弊會倭警擇備兵者乃晉憲使駐海上三年簡練士卒皆精銳可用東南晏如後陞山西參政備兵岢嵐撫臣謂鴻洙不可一日去浙疏雷報可越歲戊戌遂捐館

吳應賓

按安慶府志應賓字尚之方伯一介之四子也少穎異博覽羣書登萬曆丙戌進士選庶常授翰林編修數年以目告告歸居鄉四十載惟閉戶著述深於性命之旨天啓中同里左光斗方大鎮交章以理學薦

特召病不克赴加左春坊疏論時政上嘉之門人稱爲宗一先生

吳鴻功

按萊蕪縣志鴻功字文勳號鳳岐中萬曆戊子解元己丑進士選翰林庶吉士歷任山西提學參政

吳從誠

按潛江縣志從誠字形菴才高性樸有古君子風萬曆戊子登賢書筮仕陝庠旋聘川闈所得悉知名士司刑理鹺異績著聞不次擢參藩解組後杜門泊如痛祿養未及乃鑄石人以象己長跪墓門致有紫荆冬華之瑞

吳寶秀

吳一元

按明外史吳寶秀傳寶秀字汝珍浙江平陽人萬曆十七年進士授大理評事歷寺副寺正二十六年出爲南康知府湖口稅監李道橫甚寶秀不與通會漕舟南還道欲權其貨遣爪牙持牒捕漕卒寶秀拒不發道大怒飛章劾寶秀及星子知縣吳一元青山巡檢程資阻撓稅務詔俱逮治寶秀妻陳氏慟哭請偕行寶秀不可自經死寶秀至京下詔獄大學士趙志皐疏救星子民陳英者約儒士走京師伏闕訟冤於是撫按及南北諸臣論救者疏十餘上帝皆不省一日司禮田義榮諸疏進帝命移獄刑部皇太后亦聞陳氏之死爲帝言至九月並釋爲民歸家踰年卒天啓中贈太僕少卿賜錄一子

吳仁度

按明外史吳悌傳悌字仁度字繼疎萬曆十七年進士授中書舍人三王並封議起抗疏爭久之擢吏

部主事歷考功郎中趙邦清被劾疑同官鄧光祚等
嫉言路憤激力辨章下考功仁度欲稍寬邦清罰給
事中梁有年遂劾仁度黨比時光祚引疾去而仁度
代爲文選御史康丕揚復劾仁度傾光祚而代之詔
改調之南京補南京刑部郎中擢太僕少卿進右僉
都御史巡撫山西砥廉隅務慈愛居四年以疾歸熹
宗初起大理卿進兵部右侍郎復稱疾去再起工部
左侍郎天啓五年魏忠賢以仁度與趙南星楊漣等
善勒令致仕尋卒

吳炯

按明外史顧憲成傳吳炯字晉明松江華亭人萬曆
十七年成進士授杭州推官入爲兵部主事乞假歸
恬靜端介不驚榮利家居十二年始起故官久之進
光祿丞天啓中累遷南京太僕卿魏忠賢私人石三
畏追論炯黨庇憲成落職閒住崇禎初復官

吳道南

按江西通志道南字會甫崇仁人萬曆己丑進士廷
對第二人授編修知經筵日講晉禮部侍郎拒朝鮮
火藥之請却吐魯番貢玉其務持大體如此外艱歸
哀毀骨立禪除卽家起爲東閣大學士請告疏凡二
十上會母喪乃得請贈少保諡文恪

吳弘濟

按明外史安希范傳萬曆二十一年行人高攀龍以
趙用賢去國疏爭之與鄭材楊應宿相訐謫揭陽典
史吳弘濟復爭亦被黜弘濟字春陽秀水人希范同
年進士由蒲圻知縣擢御史三王並封詔下偕同官
抗疏爭既而以論應宿攀龍事斥爲民未幾卒熹宗

時贈光祿少卿

吳默

按吳江縣志默字因之壬午舉於鄉壬辰會試第一
授兵部主事以艱歸己亥補禮部還尚寶司丞進少
卿舊制聖卿班在詞林前已漸失其故默建議復之
詞臣或以爲非默貽書往復卒不屈因目爲吳鐵漢
未幾謝病歸改通政司參議歷上通政進太僕寺卿
默立朝最淺遷除皆不赴職時論高之崇禎中卒

吳用先

按安慶府志用先字體中桐城人萬曆壬辰進士令
臨川均賦便民懷其德以卓政徵爲戶部主事旋
改職方典閩閩稱得士歷儀曹遷浙泉爲政平恕任
德黜刑歷浙左右藩擢都御史撫蜀時播禽亂用先
戮力勦撫數月蕩平尋因病乞骸予告家居八年起
銀臺督少司空改樞貳總督薊遼會瑞禍起致政歸
卒於家

吳宗堯

按明外史吳宗堯傳宗堯字仁叔歙縣人萬曆二十
三年進士授益都知縣性強項中官陳增以開礦日
徵千人鑿山多捶死又誣富民盜礦三日捕繫五百
人宗堯不忍二十六年九月盡發增不法事列狀奏
聞帝得疏意動持不下會給事中包見捷極論增罪
請撤還同官郝敬復請治增罪帝乃不悅責宗堯狂
逞要名已而山東巡撫尹應元劾增背旨虐民二十
罪帝遂發怒削宗堯籍敬復抗疏諫帝益怒遂劾
宗堯阻撓礦務逮下詔獄拷訊繫經年禮部郎鮑應
鰲言於沈一貫一貫揭入卽釋爲民未幾卒天啓時

贈光祿少卿賜錄一子

吳廣

按明外史陳璘傳吳廣廣東東人以武生從軍累著戰
功歷廣東遊擊將軍福建南路參將坐事罷歸會岑
溪猖反從總兵童元鎮討之論功復故官萬曆二十
五年以副總兵禦倭朝鮮甫班師時征播州擢廣總
兵官擊破之遂以本官領四川諭年卒贈都督同知
世廕千戶

吳梁

按松江府志梁字伯材華亭人舉順天丁酉鄉薦選
邵武司理值島寇踞建陽光澤間梁受檄提兵破走
之論功賜金綺擢刑部郎出守廣西中道乞休卒年
八十有七

吳允中

按曹州志允中字百舍號見陶母閭太孺人夢星墜
於懷而生萬曆戊戌進士初授永城令未任丁繼母
艱補商丘縣以父艱歸再起授杞縣舉卓異授監察
御史屢上封事不避權要勅按宣大兼視學政復命
巡視南城兼管庫庫庫減惡聖壽宮冗費萬計工竣
特賜銀幣以病致政歸白蓮妖起嚴城守領藥餉戎
卒亂平補關西憲副尋擢南京光祿寺少卿未幾卒

吳晔

按萊蕪縣志晔字中陽號贈城萬曆戊戌進士初任
歸德司李毅直不阿觸直指怒被劾格於部議調鎮
江理直道事上多所平反轉戶部郎管密雲糧儲移
河道守道轉湖廣按察副使尋調肅州兵備副使三
年陞靖遠兵糧道陝西參政丁內艱回籍起補山西

副使又晉大同分巡道時大瑞陳貴氣德張甚嘩抗直不少屈遂爲所中解綬歸

吳聞詩

按濟南府志聞詩號養齋歷城人萬曆戊戌進士性磊落不羈令天長飲酒賦詩能辦吏事

吳文企

按景陵縣志文企字幼如萬曆戊戌進士初授南戶部主事惟武林北新關減雜稅出守寧波郡抗法不私丁艱補湖州守還饒南副使不赴臺章交薦奉命兵備署關西守苑馬司兩印凡平京固原間兵餉皆有紀律未幾調寧夏兵糧兼督學政忽夢幢幡鼓吹來迎遂整衣冠端坐而逝

吳元

按武進縣志元字又于萬曆戊戌進士自疏改授湖州府教授歷任湖廣布政性剛介黨局紛紜元卓立不倚所著有率道人集

吳從衆

按淮安府志從衆清河庠生萬曆二十九年九月十三日夜火發母潘氏老病熱癡從衆冒烟負出獄中次日母子繼亡母尚有完軀而子身則糜爛矣具題旌表

吳宗達

按武進縣志宗達字上于萬曆辛丑中會試甲辰廷對第三人授翰林院編修歷官禮部右侍郎以母喪歸丁卯起吏部右侍郎晉東閣大學士上注念邊備分遣中官監視宗達草疏爭之反覆執奏婉而甚力乞休不數月遂不起諡文端

吳亮嗣

按廣濟縣志亮嗣字明仲萬曆甲辰進士知南充縣六載奏最選授兵科給事中受事五月疏上者四得報者三侍御魏雲中疏擊徐兆魁史繼借黃克纘董其昌張濤周應秋等亮嗣反覆爭辯直聲大著熊廷弼之被勘也亮嗣疏救之值張差持梃闖入禁地疏請申飭禁衛巡視皇城戊午巡視京營請飭京營武備又條上戰守六策天啓初轉太常少卿三年制授中憲大夫時有修郊于亮嗣者嘆言官論之遂歸

吳嘉謨

按漢陽府志嘉謨字績可漢陽人萬曆丁未進士授知新建以卓異召爲戶部主事或欲調之銓曹嘉謨謝曰吾度支未有成勞而謬司人倫天鏡乎遂由郎中出爲揚州知府初至以文謁城隍之神自誓廉正人莫敢干未久入覲道卒

吳淳夫

按明外史崔呈秀傳吳淳夫晉江人萬曆三十八年進士授餘姚縣知縣天啓初歷官陝西僉事以京察罷五年資緣起武庫郎中謫職方由呈秀進爲魏忠賢義子六年冬擢太僕少卿視職方事旋擢太僕卿右副都御史工部添注右侍郎明年冒軍錦功擢右都御史視工部侍郎事甫數日敘三殿功擢工部尚書加太子太傅

吳之甲

按江西通志之甲字元秉臨川人萬曆庚戌進士督浙江學政淹雅好奇拔俊選士文風自是一變卒於官弟之仁癸丑進士爲御史有聲終湖廣布政

吳廷雲

按長汀縣志廷雲萬曆庚戌進士令山陰以剛介夫當路旨調永新歷南國子助教尋擢戶曹出守瓊州秋滿遷成龍兵備尋改高肇以瑯嶠告歸

吳可敷

按漢陽府志可敷字肩五號廣乘中萬曆壬子鄉試除江西瑞金令治邑有能聲二載以母憂歸三年苦塊哀毀成疾年五十有九卒所著有詩集藏於家

吳兆元

按興化府志兆元字公策萬曆癸丑進士授確山令秩滿行取選刑部河南司主事改工部都水遷屯田員外郎再遷營膳郎中出知鄒州府政平訟簡與民休息懷宗初遷江西參政備兵湖西己巳冬齋捧入賀至山東都城告警衆皆逗遛不肯進兆元叱馭益疾庚午遷江西按察使備兵南贛陞廣東右布政使未幾改廣西兼視釐政乙亥遷雲南左布政使己卯冬入覲陞右副都御史巡撫雲南甲申李自成陷關兆元聞變慟哭亟統兵至金陵佐復仇及閩中道阻兆元痛故社已屋說與國俱存亡展轉滇南矢躬盡瘁卒於官

吳姓

按明外史蔣德璟傳吳姓字鹿友揚州興化人萬曆四十一年進士歷知邵武晉江濰縣天啓二年徵授御史數與魏忠賢忤七年因年例推舉削其籍崇禎初起故官出按河南命賑延緩飢因論散賊黨即命按陝西遷大理寺丞七年九月召對稱旨超擢右僉都御史巡撫山西在晉四年軍民戴若慈母謝病歸

十一年二月起兵部左侍郎其冬尚書楊嗣昌言邊關戒嚴姓久不至帝怒落職閒住十三年冬起故官明年命協理戎政十五年擢禮部尚書兼東閣大學士十六年三月帝以襄陽荊州承天連陷召姓督湖廣師姓畏賊勢遲回不肯行帝怒遣成金齒行次南康聞都城變未幾福王立於南京赦還復故秩國變後久之卒於家

吳極

按漢陽府志極字元無號十華萬曆丙辰進士就南武學教授歷南國子監助教戶部江西司主事員外揚州知府未任調廣南知府請辭歸里所著有吳氏易學聖學統宗朱學裁益石經大學疏旨

吳渙

按吳江縣志渙字文叔刑部尚書洪會孫也萬曆丙辰進士選海寧知縣調仁和丁母憂起補任內黃舉卓異行取入都會閣黨曹欽程誣劾周宗建以煥同鄉且代令仁和疑有私降三級懷宗立起為四川道監察御史上疏論太監崔文昇及曹欽程等又言劾死諸臣如楊漣周宗建周順昌等宜奪諸奸恩蔭以旌忠直詔燬三朝要典詞臣孫之獬固爭渙上章駁正之前後言皆施行時以災異求直言渙上言三大要曰擊奸宜斷進賢宜先擇相宜慎尋巡按陝西陳安民弭盜八款復命督軍餉疏請白糧分載漕艘免民運之苦病請假歸轉湖廣參政以病不赴卒

吳應鵬

按通城縣志應鵬字圖南號貽晉中丙辰己未會副授浙江溫州府司李郡苦海氛隨詳平海十事商人

苦鹽稅應鵬詳鹽法十約海氛劉香老蹂踐台寧突入溫州應鵬戮力斬馘郡邑賴安掛冠歸杜門吟咏崇禎中勦張李起應鵬出山應鵬曰知足不辱吾老不能用力辭應鵬善詞賦字畫著有補朱易義

吳子騏

按明外史吳子騏傳子騏字九遠貴陽人萬曆中舉於鄉為興寧知縣天啓時安邦彥反圍貴陽子騏以母在城內倉皇棄官歸崇禎十年蠻賊阿烏謎叛陷大方城逐守將總督朱燮元屬子騏詣六廣走書召諸目曉以利害果相率乞降燮元上其功優旨獎賞後張獻忠死其餘寇突至貴陽子騏偕里人劉瑄楊元瀛等率鄉兵扼賊敗之賊來益眾戰敗被執俱不屈死

吳炳

按明外史瞿式耜傳吳炳宜典人萬曆末進士授蒲圻知縣崇禎中歷官江西提學副使江西地盡失流寓廣東永明王擢為兵部右侍郎從至桂林令以本官兼東閣大學士又從至武昌兵至王奔靖州令炳扈王太子走被執送衡州炳不食自盡於湘山寺

吳阿衡

按河南通志吳衡裕州人萬曆己未進士巡按浙江大振紀綱貪吏斂跡歷官兵部侍郎薊遼總督以失牆子路殉難死

吳裕中

按江夏縣志裕中字磊石號敬菴萬曆己未進士授廣東順德知縣賢能有聲擢江西道御史巡視皇城次輔丁紹軾內黨客魏舉朝側目裕中午夜焚香告

天請以死繼伸紙具疏奏未數行風旋滅燭者三奏上閱票擬已有旨姑不究丁輔暎崔魏矯旨削奪廷杖一百血如注肉成糜骨節碎折猶聞誦天子聖明不絕口未幾氣絕戊辰追卹死諫諸臣贈太僕寺卿廕一子入監讀書賜祭葬

吳繼武

按山西通志繼武稷山人萬曆己未武進士崇禎十四年官陝西榆林都司十六年冬同道臣都任鄉紳尤世祿等誓以死守凡七日城陷巷戰而死

吳國佐

按明外史陳璘傳吳國佐洪州司特洞寨苗也始祖曰奮兒洪武時亂靖靖間誅死其後裔大榮居貴州亦以叛誅國佐其從子也桀黠無賴嘗游江淮通漢語略知文義大榮死國佐收其妾黎平府持之急國佐素往來諸苗洞習其會會彭舉尚馬等咸推服之遂反自稱天皇上將偏沅巡撫江鐸命璘攻破特洞焚之國佐逃天浦

吳旂

按河南通志旂彰德衛指揮使沉雄有膽略萬曆間湖南洞蠻作亂督撫薦旂往勦旂思威並布蠻皆畏服陞參將

吳三益

按江西通志三益號受元萍鄉人萬曆進士授大理評事陞右寺正出守邵武尋改徽州所至以敏練著聲子應庭中書舍人孫兆麟貢士

吳叔度

按安慶府志叔度字勿銘桐城人萬曆間進士為工

部主事權杭州關尋守黃州盜起黃梅單騎往諭即散性疎闊不委曲徇人意一同年生不得志於叔度者陰構之當事左遷光州守以治行著聲再入爲工部以疾卒

吳文梓

按池州府志文梓青陽人進士選太常博士歷官兵科都給事中時倭寇交訌捷聞欽賞著推京堂用後以建言忤旨降崇善典史天啓間贈太常少卿

吳應琦

按安慶府志應琦字景韓桐城人萬曆間進士擢監察御史巡撫雲南尋補浙江道按順永保河諸瑄相戒勿犯累官至南京大理卿尋致仕歸

吳善謙

按安慶府志善謙字伯亨桐城人萬曆間舉人初任台州推官崇禎初以卓異擢監察御史致仕歸卒

吳一驥

按太平府志一驥字純所萬曆登賢書試春官屢因五策切直致爲主司所抑秉鐸廣德州大中丞李景渠一見推爲道學宗主累遷湖州府同知尋擢戶部監淮安關致政年八十卒於家

吳崇教

按常德府志崇教常德衛人以孝友著聞戊子舉於鄉任廣西容縣縣多毒艸每以小隙輒服艸傷命崇教赴任戒以因艸致傷者俱反坐又捐俸每兩約納毒艸有根者若干朔望日焚之不逾年毒艸絕全活甚衆

吳孟明

按明外史吳兌傳兌孫孟明襲錦衣千戶佐許顯純理北司刑天啓初獻中書汪文言頗爲之左右顯純怒誣孟明藏匿亡命削籍歸崇禎初起故官累遷都督同知掌衛事溫體仁劾鄭鄞杖母下詔獄孟明引其鄉人爲證言鄞母誤奉凡仙受責職罪至中書許贖許鄞內亂非取左證無以服鄞心請追治質驗帝怒革孟明任孟明居官貪以附東林頗得時譽

吳希稷

按連城縣志希稷字坦然奇勳弟也天啓辛酉武場與兄同登武舉力能舉鼎初授欽依把總陞北京行都司已已稷選將材陞參將委守大同關五里七營火器入援京師督戰蘆溝橋死之

吳天俊

按連城縣志天俊生員六世不分貲產家推天俊管理之衣食必均兄弟友愛翁如也

吳麟徵

按明外史吳麟徵傳麟徵字聖生海鹽人天啓二年進士除建昌府推官捕劇盜擒豪猾治聲日聞父憂歸補興化府廉公有威僚屬莫敢以私進崇禎五年擢吏科給事中乞假葬父久之還朝遷刑科左給事中丁繼母憂服闋起吏科都給事中擢太常少卿未幾賊薄京師麟徵守西直門賊詐爲勤王兵請入中官欲納之麟徵不可募死士縋城襲擊多所斬獲明日城陷麟徵欲還邸已爲賊所據乃入道旁祠時給事中高翔漢受賊顯職來說麟徵降麟徵怒叱之去自經死福王時贈兵部右侍郎諡忠節

吳執御

按明外史吳執御傳執御字朗公黃巖人天啓二年進士除濟南推官德州建魏忠賢祠獨不赴崇禎三年徵授刑科給事中明年正月以帝視朝稍簡上疏切諫帝摘其中憑臆隨聲語切責之帝以久旱求言執御應詔語極剴切執御初行取入都周延儒招之不赴後竟劾延儒其學以立誠爲本立朝更著風節久之卒

吳振纓

按明詩選小傳振纓字長組歸安人天啓壬戌進士授中書舍人選廣東道御史有顯石齋詩集

吳應元

按鄆西縣志應元慷慨有國士風爲巴縣尉廉敏有聲天啓三年奢四亂得應元欲授以職應元大罵曰賊奴吾豈爲爾官耶把刀自刎事聞奉旨入四川名宦本縣鄉賢復建忠烈祠以祀之

吳南灝

按武進縣志南灝字幼梁天啓乙丑進士令上杭值流寇披猖親冒矢石計殲之撫臣疏其功於朝調閩縣以省會海江猖獗甚南灝勸撫兼施擒其渠魁海氛乃息擢吏科給事中有議三朝典要實錄傳信諸疏奏除江南漕糧皆卓然有功於時卒於官贈太常寺卿

吳品

按漢陽府志品字自玉號禹石以子貴封通議大夫刑部右侍郎品爲人光昌俊偉通經史善譚論孝友之性本於天植天啓乙丑春火延廬舍時親柩在殯炎烟繞戶品抱棺號慟誓以身殉天粹反風火爲少

却行者哀之爭相昇輓以出弟山中殞遺二幼孤品撫育之與己子同見者不知其爲榮榮貌孤也

吳孔嘉

按明詩選小傳孔嘉字元會天啓乙丑賜進士第三授翰林院編修創籍有清暉館集

吳有涯

按明詩選小傳有涯字茂申吳江人天啓丁卯舉人崇禎中署全壇教諭遷平陽知縣

吳懷賢

按明詩選小傳懷賢字翊明休寧人官中書舍人及瑞禍贈工部主事

吳鍾巒

按武進縣志鍾巒字巒揮始祖肇洪武間以徵辟官御史從建文出亡鍾巒自幼以文行著江陰李應昇撰瑞禍被逮過郡交遊閉戶不敢通鍾巒獨迎館之以季子訂姻年五十七始序貢御擢第一選光州學正癸酉中河南鄉試甲戌成進士令長興分較浙閩以不善事上官被謫例補紹興府幕移桂林府推官鼎革之際設坐孔子廟左廡積薪圍之縱火自焚死

吳之暉

按黃陂縣志之暉號北陽篤志好學初授霍山令政簡刑清不事文網行取侍御按蜀風采尤著探知余曾欲動疏其情形與督撫密謀禦變及余會叛郡已多賴以全陞大理左少卿抗疏論忠賢罷歸崇禎初旨下起用卒贈中憲大夫

吳凱

按長山縣志凱字獻明號旋公邑庠生以孝友稱天

啓中宦寺慕凱文名及鍾王書法遣使齎幣聘之辭不就復餌以科名凱正色叱之宦寺大沮邑人高其節

吳甘來

按明外史吳甘來傳甘來字和受江西新昌人父之才西安府同知甘來與兄泰來同舉鄉試崇禎改元甘來成進士授中書舍人後三年泰來亦成進士授南京太常博士五年甘來擢刑科給事中抗直敢言憂歸服闋起吏科進兵科右給事中乞假歸十五年

起歷戶科都給事中列上練兵足餉十事又陳開礦之害時封疆大吏多假護藩名棄封守移善地致列城崩潰甘來極論其弊遣疾請會帝命編修陳名

夏掌戶科甘來喜得代不數日賊薄都城時泰來已官禮部員外郎甘來屬歸事母而已誓必死明日城陷正衣冠北向拜投綬死福王時贈太常卿諡忠節

吳奇勳

按連城縣志奇勳號對廷表席里席湖營人武場中式授京營把總己已授兵巡道中軍守備崇禎四年

山寇竊發奉憲令同上杭知縣陳正中會勦於永平寨陳令被圍奇勳獨衝賊陣往復救出陳令奇勳仍率步兵奮殺死之

吳羽文

按明外史鄭維連傳維連江西新昌人爲官素清嚴趙南星知其賢調爲稽勳司郎中時言路橫恣凡用吏部郎必咨其同鄉居言路者給事中傅槐陳良訓

章允儒以南星不先咨己大怒及維連調考功槐等益怒交章力攻又以江西有吳羽文例不當用兩人

迫羽文去至崇禎六年始復出歷考功文選郎中數與溫體仁抵牾賊毀皇陵有詔肆赦體仁令刑部尚書馮英以逆案入詔內羽文執止之而議起錢龍錫

李邦華等值事者誣羽文納二人賾下獄羽文用高鳳翔爲大名知府鳳翔故嘗坐小事言者復謂其徇私坐謫戍侍郎吳姓等交薦復官未赴卒羽文字長卿南昌人萬曆四十一年進士

吳元伯

按江夏縣志元伯字開吳癸酉舉於鄉庚辰下第懷宗特恩八月重試賜進士授祠部司務遷銓部歷樞部武選員外郎陞山東沂州參議塗次遭甲申之變卽掛冠歸里臥病不出

吳普昭

按安慶府志普昭字克明桐城諸生崇禎丁丑以賊逼率鄉民格鬪十餘日尋被害妻孫氏痛夫難哭泣三月而死其四子光璘殉之婦李氏亦不食而死五子光耀妻許氏爲賊迫義不受辱死人謂一門五義

吳嘉禎

按江寧府志嘉禎字源長先世吳人父宗周賈於浦子口因家焉嘉禎性篤孝母病劇刲股和藥而母愈登崇禎丁丑進士授戶部管通州倉奉旨紀錄陞閩泉州參議會選粵西以病請歸薨年五十七

吳應箕

按明外史吳應箕傳應箕字次尾貴池人善今古文意氣橫厲阮大鍼以附瑞創籍僑居南京聯絡南北附瑞失職諸人劫持當道崇禎九年京師有警應箕等公揭討之十五年以鄉試副榜貢入京後大鍼得